

Ang Banagbanag

Ang Mantalaan sa Presensya ni Kristo

The Dawn in the Cebuano dialect

Ang Balaang Espirito—	
Ang Iyang Kahulugan ug Tumong.....	3
Gibatukan ni Jesus ang Tentasyon	13
Saligi Ang Mga Saad Sa Dios	15
Pagkinabuhi Ug Maputli Nga Kinabuhi	17
Paglaom Alang Sa Usa ka Bag-ong Adlaw.....	19
Ang Tawag Sa Kahiusahan	21

Ang Balaang Espirito— Ang Iyang Kahulugan ug Tumong

“Ug tan-awa, Ika kalim-an ka adlaw human sa igapadala ko kaninyo ang saad sa akong Amahan; apan pabilin una kamo sa siyudad hangtud nga masul-oban na kamog gahum gikan sa kahitas-an.””

—Lucas 24:49 kamo sa siyudad sa Jerusalem, hangtod nga mahatagan kamo sa gahum gikan sa kahitas-an.” Sumala pa sa kalendaryo sa mga Hudeo, ang anibersaryo niini nga adlaw matunong kada tuig sa tunga-tunga sa Mayo ngadto sa tungatunga sa Hunyo, ug karon nga tuig mao ang Hunyo 5. Wala kitay makita sa Bag-ong Testamento nga nagsulti kanato nga atong handumon ang Adlaw sa Pentekostes sama sa “Memorial o Paghandum” nga panihapon nga gitukod sa Ginoo niadtong gabii saw ala pa siya gilansang. Hinoon, mitoo kita nga mas tukma nga atong ikonsiderar ang mga panghitabo niadtong bililhon nga adlaw, ilabi na gayud kay aduna kini kalambigitan sa tumong ug buluhaton sa Balaang Espirito sa kinabuhi sa katawhan sa Diyos.

Daghanang mga pangutana ang masantop sa hunahuna niadtong mga makugihong nagapangutana mahitungod niini nga topiko. Unsa ang Balaang Espirito? Mao ba kini siya ang ikatulong persona sa trinidad uban sa Diyos ug Hesus? Usa ba kini siya ka “kalag,” ingon sa gihubad sa daghanang bersikulo? Unsa may tumong sa Balaang Espirito sa kinabuhi sa usa ka Kristiyano? Unsa may gipasabot niining “natawo” sa Espirito, gibunyagan sa Espirito, ug “napuno” sa Espirito? Unsa man ang hingpit nga katuyoan sa Diyos mahitungod sa buluhaton sa Balaang Espirito diha sa iyang

gimugnang katawhan? Kini tanan mga balido nga mga pangutana, ug nga atong gituohan nga angay matubag dili pinaagi sa tradisyon ug pamahayag sa tawo, kon dili sa Kasulatan mismo. Nan, atong sutaon kini nga hilisgotan diha sa walay sayop ug hapsay nga sulat nga pulong Sa Diyos.

SAYOP NGA PAGHUBAD

Tungod sa sayop nga paghubad, daghan ang nadala sa sayop nga pagtoo nga ang Balaang Espirito usa ka persona, ang ikatulong persona sa Trinidad. Apan ang Kasulatan, kon masabtan sa husto, dili momatood niini nga hunahuna. Usa sa sayop nga hubad nga nakaamot niini nga sayop nga pagsabot mao kadtong pulong nga “pneuma” sa Griyego nga gihubad sa English nga “ghost” o kalag. Mao nga namahimo kini siya nga Balaang Kalag.

Usa kini ka dakong sayop nga hubad, ug kini siya giila sa hapit tanan nga mga Bible scholars. Hapit sa tanan nga hubad sa Kasulatan gawas sa King James Version, ang pulong “Ghost” o kalag giusab na sa husto nagdto sa “Espirito.” Ang King James Version gihubad pa niadtong panahon diin ang mga pagtootoo maoy nagpasulabi, mao nga ang pulong “Ghost” o kalag maka hatag ug dako nga pagtoo ug pagtahod kay sa pagka karon. Niadto nga panahon, ang mga kalag matood gayud sa hunahuna sa mga tawo apan, misteryoso kaayo. Kanunay kini siya gilambigit sa hunahuna sa personalidad, ug ang mga maghuhubad, sa ilang kaugalingon nagtoo sa Balaang Espirito, nakahunahuna sa pagtawwag niini ug Balaang “Kalag.”

DILI MAKITA NGA GAHUM---DILI PERSONALIDAD

Sa Daang Testamento, ang pulong “espirito” maoy hubad sa pinulungang Hebreohanon nga “ruach.” Ang nag-unang kahulogan niini nga pulong mao ang hangin. Wala kita nag-ingon nga ang Balaang Espirito mao ang balaang hangin. Mao lamang kini ang gamut nga kahulugan sa maong pulong. Ang hangin parehong dili makita ug gamhanan, mao nga ang mga karaan gigamit kini nga pulong sa nagka lain laing dili makita ug gamhanang mga impluwensya. Tungod ka yang balaang gahum gigamit man pinaagi sa mga agianan ug ahensya nga dili maabot sa tawhanong panan-aw ug panabot, kini nga pulong ruach maoy nahimong mas labaw pang gigamit sa tanan nga mga may kalabutan sa Diyos.

Ang pulong ruach, dugang pa sa hubad nga “espirito” gihubad usab kini siya sa Daang Testamento sa lain pang mga pulong sa Iningles nga “blast,” “breath,” “tempest,” “mind,” “smell,” “wind,”

and “windy.” Kon atong tan-awon nga sa kada hubad ang hunahuna sa luyo niining kada pulong mao ang dili makita nga gahum o impluwensya. Pananglitan, adunay gahum ang hunahuna, apan kini siya nga gahum dili makita sa mata.

Sa nakita na, diha sa Bag-ong Testamento ang pulong sa Griyego gihubad nga “Espirito” o sayop nga hubad “Ghost o Kalag”. Ang nag-unang kahulugan niini nga pulong mao usab ang hangin. Mao kini siya ang pulong nga naggikan sa Iningles nga “pneumatic.” Dugang pa sa hubad nga Espirito ug Kalag, gihubad usab kini siya sa Bag-ong Testamento sa mga pulong “kinabuhi,” espirituwal,” ug “hangin.”

ANG ADLAW SA PENTEKOSTES

Ang pag anggid sa Balaang Espirito sa dili makitang gahum sa hangin gipakita sa ato sa husto sa atong nakita kon unsa ang nahitabo sa Adlaw sa Pentekostes, ang mao nga adlaw nga ang Espirito sa Diyos gibubo sa mga tinun-an nga nagkatigom sa Herusalem. Ang kasaysayan nag-ingon: “Ug sa pag-abut na sa adlaw sa Pentecostes, silang tanan nagkatigum sa usa ka dapit. Ug silang tanan napuno sa Espiritu Santo ug misugod sila sa pagsulti sa nagkalainlaing mga pinulongan, sumala sa ipalitok kanila sa Espiritu.” —Buhat 2:1,2,4

Ang “huros sa makusog nga hangin” nga nipuno sa balay kusan kaayo, apan dili makita. Nakita sa mga tinun-an ang mga epekto kanila ug nadungog ang mga tingog samtang kini mihuros sa mga kakahoyan ug nihuyop sa balay. Ang iyang kusog tingali nakita pinaagi sa mga makusog nga panaglihok nga mga kurtina o kaha mga kabtangan sa panimalay nga nangauyog ug nangahulog sa salog. Didto nianang tungatunga sa literal nga pagpakita sa gahum sa hangin sa Balaang Espirito—nga mao usab ang makusgan, dili makita gahum---nga niabot sa mga tinun-an sa Diyos.

Sa pag gamit sa Diyos sa natural, dili makita nga gahum sa hangin niadtong Adlaw sa Pentekostes para mapakita ang susamang dili makitang gahum sa Balaang Espirito, atong makita nga walay nasaysay sa Kasulatan nga nagingon nga ang mga tinun-an nakakita ug aparisyon, o kaha “sama sa kalag og ghost” inubanan sa hangin o sa pagbubo sa Balaang Espirito kanila. Segurado gayud nga sa makasaysayang okasyon sama niini, sa dihang ilang pagadawatong ang “gahum gikan sa kinahitas-an, kon ang Balaang Espirito usa gayud ka persona nga binuhat---kabahin sa Trinidad—o kaha misteryosong “kalagnong” binuhat, aduna untay nakita nga mga

timailhan nga gipakita sa mga tinun-an mahitungod niini. Apan walay timailhan ang gipakita.

MGA KALIG-ONAN SA GAHUM UG IMPLUWENSYA SA DIYOS

Samtang ang naasoy sa Buhat 2 sa Adlaw sa Pentekostes wala naghatag ug pagpaila nga ang Balaang Espirito usa ka personalidad o “ghost o kalag”, adunay daghang kalig-onan nga magpamatood sa dili makita nga gahum ug impluwensya niini ngadto sa mga tinun-an—gahum nga wala pa masukad diha kanila. Ang bersikulo 4 nagasoy nga sila “ug misugod sila sa pagsulti sa nagkalainlaing mga pinulungan, sumala sa ipalitok kanila sa Espirito.” Ang Balaang Espirito, gahum sa Diyos ug impluwensya, naghatag sa mga tinun-an ug abilidad sa kaisipan nga makasulti sa laing mga pinulungan. Importante kaayo kini siya niadtong panahona, tungod kay anaa niadtong tungora, mga “Hudeo”, mga tawong masimbahon gikan sa tanang kanasuran ubos sa langit. “(bers 5). Kini nga kinabag-an naga sulti sa nagka lainlaing pinulungan sa mga nasud nga ilang naadtuan. Ug para sila makasabot sa mensahe sa nga gusting ipaabot sa Diyos kanila, gikinahanglan nga ang mga tinun-an magasulti sa mga pinulungan nga masabtan sa katawhan. Busa, nailhan nato ang unang pagpakita sa sa dili makitang gahum sa diyos---ang Balaang Espirito---samtang kini naglihok sa hunahuna sa mga tinun-an, ug naghatag kanila sa abilidad nga makasutlti sa lumad nga sinultihan ug masabtan sa mga lumad nga nagatipok niadtong higayona.

Ang ikaduhang gipakitang gahum sa Balaang Espirito nga dili makita niadtong Adlaw sa Pentekostes mao kadtong direktang resulta sa nahauna. Sa dihang nabatian niadtong mga nagkatipok ang pulong nga gisulti sa lumad nga sinultihan, gihatagan gilayon sila sa Balaang Espirito ug kalamdagan ang mga hunahuna sa mga tinun-an mahitungod sa katuyoan sa mga panghitabo nga nagapalibot sa kinabuhi, kamatayon, kabanhawan ug pagbayaw ni Hesus ngadto sa Amahan—apil pa ang mga nanghitabo niadtong mismo nga adlaw. Ang mga tinun-an nagsugod dayon ug sangyaw sa mensahe niini nga “ebanghelyo” sa tanan nga mitambong niadtong tungora. Samtang ang naminaw ang nanambong, “Ug ang tanan nahingangha ug nangalibog nga nanag-ingon sa usa ug usa, “Unsa man kahay buot ipasabut niini? Apan dihay nanag-ingon agig bogalbugal, “Kana sila nangabasdak sa tam-is nga bino.”—bersos 12,13

Si Pedro isip tigpamaba sa mga tinun-an, nitindog ug nipatugbaw sa iyang tingog ug kanila misulti siya nga nag-ingon, “Mga Judio ug tanan kamo nga nagapuyo sa Jerusalem, sabta ninyo kini ug patalinghugi ninyo ang akong mga pulong. Kay lahi sa inyong pagdahum, kining mga tawhana dili mga hubog, sanglit karon ikasiyam pa man lamang ang takna sa kabuntagon; apan kini mao ang giingon sa profeta nga si Joel: Ug mahitabo sa kaulahiang mga adlaw, nagaingon ang Dios, nga pagabobuan ko sa akong Espiritu ang tanang katawhan, ug magahimog mga profesiya ang inyong mga anak nga lalaki ug babaye, ug ang inyong mga batan-on makakitag mga panan-awon, ug ang inyong mga tigulang maga-damgog mga damgo\.” (vss. 14-17) Ang pulong “propesiya” nga gigamit dinhi adunay kahulugan nga pagtudlo. Matood, pinaagi sa nagadan-ag nga gahum sa Balaang Espiritu, si Pedro nagsugod ug panudlo nga wala sukad masukad makita ni bisan kinsa nga mga tinun-an ni Hesus. Mao usab kini ang Pedro nga diin sa mga niaging mga semana, naglibog ug nawad-an ug gana, nga sa makatulo nilimod nga wala makaila sa Magtutudlo, ug nga gani sa pagkahuman ug kabanhaw ni Hesus naghunahuna sa pagbalik ug pagpangisda uban sa mga tinun-an sa Ginoo. Karon, nahitala sa bersikulo 22-36, Si Pedro nidikurso diin iyang gilati ang kinatibuk-ang plano sa Diyos ug gipasabot sa husto ang katuyoan sa kamatayon sa Diyos ug ang kabanhaw diin nakasentro ang plano. Unsa kini nga demonstrasyon sa dili makitang gahum ug impluwensya sa Balaang Espiritu sa Diyos nga atong nakita samtang kini niabri sa panghunahuna ni Pedro, ug samatang kini naghatag kaniya ug abilidad nga magsangyaw sa emensahe sa ebanghelyo niadtong nagakatipok didto.

Ang mga nahaunang pagpakita sa gahum ug impluwensya sa Balaang Espiritu sa Adlaw sa Pentekostes gihatag pinaagi sa milagrosong paagi. Apan, sa bisan asa niini nga panghitabo, walay bisan usa nga nagpakita nga ang Balaang Espiritu ua ka personalidad, usa ka aparisyon, o kaha sa bisan unsa nga klaseng “kalag.” Usa lamang gayud kini nga yanong dili makitang gahum ug impluwensya sa Diyos nga gipakita sa nagkalain laing mga paagi. Sa ulahi, human matapos ang mga buluhaton sa mga tinun-an, ug ang Naunang Iglesya maestablisar na ug maayo, ang mga milagrosong pagpakita sa gahum sa Balaang Espiritu sama sa nahitabo niadtong Adlaw sa Pentekostes dili na unya kinahanglanon pa. Hinoon, ang buluhaton sa Balaang Espiritu isip dili makitang gahum diha sa kinabuhi sa mga sumusunod ni Kristo mao lamang ang sinugdanan. Kini nga buuhaton nagpadayon hangtud mismo karon. Kadtong hingpit nga nitugyan sa ilang kaugalingon sa pagpangalagad diha sa kagustuhan

sa Diyosadlaw adlaw nga nagasalig sa gisaad nga tababg sa Balaang Espirito sa Diyos diha sa ilang kinabuhi.

Busa, sa yano nga pagkasulti, ang Balaang Espirito, mao ang dili makitang gahum sa Diyos, gahum nga makita sa lain laing pamaagi. Sa paghisgot mahitungod sa gahum sa Diyos sa paglalang, atong mabasa nga ang iyang “Espirito naglihok sa ibabaw sa nawong sa mga tubig.” (Genesis 1:2) Mao kadto ang dili makitang kugang gahum nga gigamit sa pag andam sa yuta para mamahimong makasustener sa kinabuhi nga puluy-anan sa mga hayop ug tanom, ingon man usab sa pinurongpurongan nilalaang sa Diyos—ang tawo. Ang impluwensya sa Balaang Espirito sa atong kinabuhi isip Krityanos niining panahona mao ang may kalabutan sa salabutan ug kinaiyahan sa Diyos. Ang gahum nga uban sa paglambo niini kanato.

BALAN KONTRA DILI BALAN NGA GAHUM

Makatabang kini kanato sa pagsabot sa Balaang Espirito sa kalainan sa gisulti sa Kasulatan mahitungod niini ug sa mga gisulti nila mahitungod sa dili balaang espirito ni Satan. Nagka lainlaing pagpagkita sa Balaang Espirito ang giila sama sa: “Ang Espirito ni Kristo,” ang “Espirito sa pagkabalaan,” ang “Espirito sa kamatooran,” ang “Balaang Espirito sa saad,” ang “Espirito sa kaaghop,” ang “Espirito sa grasya” u gang “Espirito sa Propesiya.” Usab dinhi, wala gayud kitay makita nga adunay kahulugan nga ilang gihatag mahitungod sa Balaang Espirito nga kini adunay personalidad. Kon dili, dili makitang gahum ug impluwensya mao ang sentro sa kada usa niini.

Ang nagkalain laing makita nga espirito ni Satan mao ang mga gihulaway nga “espirito sa kahadlok,” ang espirito sa pagkaulipon,” ang “espirito sa yuta” ang “espirito sa kasaypanan,” ang “espirito sa pagpanag-an,” ang espirito sa antikristo,” ug ang “espirito sa pagjikatulog.” Sa samang paagi, walay usa nga makasulti nga tungod ka yang pulong espirito gigamit man sa nagkalain laing makiyang impluwensya ni Satan sa kalibutan, nga aduna nay persona nga “dili balaang espirito” nga mao usab diha uban sa Demonyo.

NAHIMUGSO SA ESPIRITO

Adunay daghang mga paagi sa pamahayag ang gigamit sa Kasulatan para ihulagway ang buhat sa Balaang Espirito sa kasingkasing ug kinabuhi sa mga Kristyanos. Usa niini mao ang “natawo sa Espirito.” Ang gipasabot niini mao nga adunay bag-ong

kinabuhi, ug mao kini ang usa sa mga butang nga nahimo sa gahum sa Balaang Espirito. Kini nga bag-ong kinabuhi, kon mahimugso na sa hingpit, lahi kaayo sa kinabuhing tawhanon, nga gani si Hesus, nisulti mahitungod niini, “Ang hangin bitaw mohuros man ngadto sa buot niyang padulngan, ug mabati mo ang iyang tingog; ngani dili nimo mahibaloan diin siya gikan o asa siya padulong. Maingon usab niana ang tanan nga gianak sa Espirito.”—Juan 3:8

Ang Griyegong pulong nga gihubad sa “natawo” husto usab nga gihubad nga “nahimugso,” ug mahinungdanon nga mahibal-an kon unsa nga hunahuna ang buot ipasabot sa magsusulat. Sa pagobserbar niini nga kalainan, atong nakat-onan nga dili husto nga ang nabag-o kang Kristo atong tawgon nga “natawo sa Espirito.” Kon a ng usa ka tawo nidool sa Diyos sa paghinnulsul, ug, pinaagi sa pagtoo diha kang Kristo nga maoy Manluluwas, nitugyan sa iyang kaugalingon sa hingpit nga mobuhat sa kabubut-on sa Diyos, ang nahitabo mao ang gitawag ug “nahimugso” sa Espirito sa

Apan, kini nga bag-ong kinabuhi, sa pagpadayon sa simbolikanhon nga paghulagway, usa pa lamang ka binhi. Kinahanglan kini nga pakan-on ug amomahon sa Pulong sa Diyos, ug aron molambo, magtubo nga malig-on diha sa Ginoo ug sa gahum sa iyang kusog. Kining bag-o nga kinabuhi dili kini siya mahimugso hangtud wala pa ang kabanhawan. Mao pa unya nga ang usa ka tawo matawag nato ug tinood nga “natawo sa Espirito.” Mao pa lamang dayon nga ang pulong ni Hesus mamatood nga ang usa nga matawo makangadto nganhi nga dili makita sama sa hangin. Busa atong nakita nga kalainan sa paggamit sa pulong “natawo” ug “nahimugso” naghatag kanato ug mas lawom nga pagsabot kon unsa ang gahum sa Diyos nga gigamit pinaagi sa iyang Pulong matuman diha sa mga konsagradong sumusunod sa Magtutudlo.

PAGBAUTISMO SA ESPIRITO

Ang Kasulatan nagsulti usab mahitungod sa “bautismo” sa Espirito. Ang pulong “bautismo” nagkahulugan ug paglubong, ang bautismohan diha sa Espirito sa Diyos simpleng nagkahulugan nga hingpit nitugyan sa kaugalingon diha sa kagastuhan sa Diyos, nga siya diha na ubos sa kabubut-on sa Diyos, ug wala na magbuhat sigun sa kaugalingong kagastuhan. Hinoon, diha sa panan-awan sa Diyos ang tibook iglesya ni Kristo nabautismohan sa Espirito didto sa Pentekostes. Busa, dili na kinahanglan nga maghimo pa ug bag-o nga pagpakita sa Balaang Espirito sa kada usa nga nagahalad sa iyang kaugalingon para mosunod sa kabubut-on sa Diyos.

Gisulat ni Apostol Pablo, “Kay pinaagi sa usa ka Espiritu kitang tanan-- mga Judio o mga Gresyanhon, mga ulipon o mga tawong gawas-- nabautismo ngadto sa usa ka lawas; ug kitang tanan gipatuhop ug usa ka Espiritu.” Ug gipasabot nga para sa kada usa kini nga bautismo nahitabo sa dihang siya nahimong usa ka lawas ni Kristo. (I Cor. 12:13) Mao kini siya ang paglubong sa atong kagustuhan ngadto sa kagustuhan sa Diyos nga gipahayag pinaagi kang Kristo, ang “Ulo” sa “lawas.” Sa dihang atong masabtan sa husto kon unsa ang nalambigit sa bautismo sa Espiritu, dili na kita mangita pa sa pagusab sa pagpakita sa gahum sa Diyos nga nahitabo niadtong Pentekostes.

NAPUNO SA ESPIRITO

Ang Kasulatan mideklarar, “Magpapuno kamo’g Espiritu. Be filled with the Spirit.” (Efeso 5:18) Pagka walay kahulugan kini nga pagkasulti kon ang Balaang Espiritu usa ka persona! Apan, kon atong makita nga kini siya usa lamang ka simpleng gahum o impluwensya sa Diyos nga nahitabo sa Kristohanong kinabuhi pinaagi sa iyang Pulong nga gisulat ug sa atong mga kasinatian sa hagip-ot nga dalan, nana tong masabtan kon giunsa nga maanaa ang Espiritu nga magimpluwensya sa atong mga kinabuhi. Para mapuno sa Espiritu nagkinahanglan kini nga hawanan ang kaugalingon ingon man ang kaugalingong kagustuhan, ug ang makugihong pagbuhat diha sa atong kaugalingon sa pagtoon sa mga pulong sa Diyos ug ang paghimo niini.

Ang mga Kristyanos gikaingon usab nga na “selyohan” diha sa “balaang espiritu sa saad.” (Efeso 1:13) Ang Espiritu sa Diyos—iyang gahum ug impluwensya—ang naggiya sa hunahuna sa mga propeta sa pagsulat sa Daang Testamento, diin daghan ang natala nga mga saad nga nagpasalig sa panalangin sa Diyos ngadto sa iyang matinud-anong katawhan. Ang Bag-ong Testamento gisulat usab ubos sa inspirasyon sa Espiritu o gahum sa Diyos, ug kini siya naglakip ug dugang pang mga saad diin Ang Diyos naghatag ug kaseguroan sa kadaugan pinaagi kang Kristo para sa kada matinud-anong sumusunod sa Magtutudlo. Busa, iya kitang “giselyohan” sa iyang mga saad---nga iya kitang gisaaran nga kon kita matinud-anon kaniya iyang ihatag kanato ang grasya sa panahon nga kita manginahanglan ug tabang, ug sa kanbanhawan iyang ihatag kanato ang “korona sa kinabuhi.”—Pinadayag 2:10

Ang pulong “saksi” gigamit usab nga may kalabutan sa buhat sa Balaang Espiritu sa kinabuhi sa mga Krityanos. Ang iyang Espiritu

mao ang maghimatood uban sa atong espirito, si apostol nagingon kanato, “nga kita mga anak sa Diyos.”(Roma 8:16) Kini usab nga butang salabtonon kaayo. Sa tibook nga dinasig sa Espirito nga Kasulatan nakalatid ang nagkalain laing mga lakang ug kasinatian sa mga Kristyanos nga nagmatinud-anon sa paghimo sa kabubut-on sa Diyos. Kadtong nakaamgo nga ang Diyos nagpanalangin kanila pinasubay sa mga gilatid na sa Espirito pinaagi sa iyang Pulong, anaa kanila ang panghimatood sa Espirito nga sila gidawat sa banay sa Diyos pinaagi sa pagkatawo sa Balaang Espirito, ug busa namahimong “anak sa Diyos.”

ANGTANANGTAWHANONPAGAPANALANGINAN

Ang Espirito sa Diyos ibubo sa lainlaing paagi para sa pagpanalangin sa katawhan sulod sa Milenyo nga gingharian ni Kristo. Ang yuta mapuno sa kahibalo sa kahimayaan sa Diyos “ingon sa mga tubig nga nagatabon sa dagat.” (Isaias 11:9) Ang iyang gahum magalihok usab aron sa pagbuhi sa mga minatay ka yang saad mao mna na “adunay pagkabanhaw sa mga matarong ug dli matarong.”—Buhat 24:15

Diha sa saad sa Bag-ong Kasabutan diin and Diyos maghimo una sa balay sa Israel, ug dayon ang tibook kalibutan, ang pahayag nagingon nga ang Ginoo magsulat sa iyang balaod sa kasingkasing sa katawhan. (Jer. 31:31-34) Kini usab mao unya ang moresulta sa mga paglihok sa Balaang Espirito sa kinabuhi niadtong nagatuman sa balaod sa gingharian.

Sulod sa panahon sa gingharian ni Kristo si Satanas pagagapuson, ug busa ang iyang espirito dili makaimpluwensya sa katawhan nga maghimo ug dautan. Hinoon, ang tanan nga kahigayonan sa bag-ong sosyal nga kahan-ayan mahimong mapuslanon diha sa paghimo sa matarong nga kabubut-on sa Diyos. Ang gugma mao ang mopuli sa kahakog isip gahum nga makapadasig sa tanang kalihokan sa tawo. Ang katawhan makakat-on nga ang pinakadakong kalipay magagikan sa paghimo ug matarong ngadto sa uban kay sa kahakog nga kanunay nga pagpangita sa paguna ug atiman sa iyang kaugalingong interes.

Diha sa maong gingharian, ang kinatibuk-ang panglantaw sa tawhanong kaliwat hinayhinay nga mausab nga maoy resulta sa pagbubo sa Espirito sa Diyos sa tanang katawhan. Pagkamalipayon kaha nato nga ang gahum sa Diyos makita unya sa pagsulbad sa mga problema sa nasubo ug himalatyang kaliwat. Sa dihang ang mga

panalanging gikan sa pagbubo sa Balaang Espirito mailhan na nga nagagikan sa dako ug matood nga Diyos sa kalibutan, ang Magbubuhat sa langit ug yuta, ang katawhan magmaya sa pagpasidungog kaniya, kay ila na nga nahibaloan nga siya diay mao ang Diyos sa gugma. Ug busa, sa pagtapos sa gingharian, ang tanang masinugtanon nga katawhan makaangkon na sa ilang hunahuna, pulong ug buhat nga anaa ubos sa matarong nga gahum ug impluwensya sa Diyos---ang iyang Balaang Espirito. ■

Gibatukan ni Jesus ang Tentasyon

***Yabeng Bersikulo:
“Unya midangat ang
pulong ni Jehova
pinaagi kang Haggeo
nga manalagna, nga
nagaingon: Panahon
na ba alang kaninyo
nga kamo magapuyo
sa inyong mga
kinasamihan nga
balay, samtang kining
balaya nagapabilin nga
guba?”—Haggeo 1:3,4***

***Napiling Kasulatan:
Haggeo 1:1-11***

Sa dihang ang Dios naghimo ug kasabotan diha sa Israel pinaagi sa paghatag sa Napulo ka mga Sugo pinaagi kang Moises didto sa bukid sa Sinai, giingnan niya sila nga Siya lamang ang ilang pagasimbahon. Kon ila lang untang gituman ang kasabotan nga gihatag kanila, nagsaad ang Dios kanila nga sila pagapanalanginan labaw sa tanang mga nasud sa yuta. Niini nga mga sugo “ang tanan nga katawohan nanagdungan sa pagtubag, ug miingon: Ang tanan nga giingon ni Jehova among pagabuhaton.” —Exodo 19:8

Apan, sa wala lang nadugay hangtud nga ang gisaad sa Israel nga pagtuman naguba. Sa dihang si Moises nalangan sa pagkanaog gikan sa bukid samtang nakigsulti sa Dios, gihangyo sa mga tawo si Aaron nga himoan sila ug bag-ong diosdios. Naagni si Aaron nga maghimo ug bulawang nateng baka, diin ang mga tawo naga-ingon, “Kini sila mao ang imong mga dios, Oh Israel, nga mikuha kanimo gikan sa yuta sa Egipto.” (Exodo 32:1-4) Busa nagsugod ang pabalik-balik nga dili pagtuman sa Israel sa ilang saad nga magasimba lamang sa Dios ni Abraham, Isaac, ug ni Jacob— ang Dios nga naghimo ug mga katingalahang butang aron sa pagluwas kanila gikan sa kaulipnan sa Egipto— ang Dios nga nipili kanila gikan sa tanang mga nasud sa yuta aron mamahimo Niyang katawhan.

Ang Dios naghatag ug sunod-sunod nga mahigpit nga mga pahimangno sa Israel nga ang pagsimba sa laing mga diosdios mosangpot nga ang gisaad nga yuta alang kanila pagakuhaon gikan kanila ug ang katawhan magkatag katag ngadto sa mga nasud nga walay giilang Dios. Sa ika-upat nga kapitulo sa Deuteronomieo, si Moises nahimo nga una sa daghang mga propeta nga nagpahimangno sa Israel mahitungod sa silot nga

moresulta diha sa ilang kapakyas sa pagtuman sa mga kasugoan sa Dios. Ang propetang Jeremias kinsa nag-ingon sa Israel nga pagkahuman sa daghan nang mga higayon sa pagkamasinupakon, pagakuhaon sa Dios ang ilang gingharian ug ihatag sila ngadto sa pagkabinihag sa Babilonia.

Hinoon, lakip niining maong silot, adunay saad gikan sa Dios nga Iya silang bisitahon human sa kapitoan ka tuig ug pabalikon sila ngadto sa Jerusalem. (Jer. 29:10) Sa kanunay, gituman sa Dios ang Iyang saad. Una Iyang gituboy si Ciro isip hari sa Persya ug gihatag kaniya ang tanang mga gingharian sa yuta. Sumala sa interpretasyon ni Daniel sa damgo ni Nabucodonosor nga adunay lain nga mopuli sa gahom gikan sa Babilonia. Giila ni Ciro ang kamot sa Dios sa paghatag kaniya sa tanang mga gingharian sa yuta. Sa dihang gimandoan siya nga magtukod ug usa ka balay alang sa Dios didto sa Herusalem, nituman si Ciro ug naghimo ug proklamasyon nga ang mga Israelita pagatugotan nga mobalik ngadto sa Herusalem aron sa pagbuhat niini.—Esdras 1:1-3

Malipayong gidawat sa mga Israelita kini nga balita. Daghan ang nibalik gilayon ug gitukod ang sukaranan sa templo diin uban ang panag-awit ug pagdayeg alang sa ilang Dios. (Esdras 3:10-11) Apan, sa dihang nitumaw ang mga kaaway aron babagan ang buluhaton, ang mga tawo nitalikod sa paghimo sa templo ug naghimo na hinoon sa ilang kaugalingong mga balay. Sa makausa pa, napakyas sila nga magpabiling magmasinugtanon sa mga kasugoan sa ilang Dios. Ang ilang pagpasagad mao na karon ang nag-unang rason sa dili pagtuman sa kasugoan sa Dios aron tukoron pag-usab ang templo. Daghan ang mga katuigan ang nilabay nga wala nay dugang pagpaningkamot sa pagtukod pagbalik sa templo. Mao nga gipadala dayon sa Dios si propeta Haggeo aron sa pagsulti sa mga pulong sa atong Yabeng Bersikulo ngadto sa mga katawhan.

Pagka talagsaon nga leksyon nga atong makuha gikan niini nga mensahe nga gidala ni Haggeo. Kita ba, usahay atong gitugotan ang atong tinguha sa mga yutan-ong mga bahandi nga manginlabot sa atong pagtuman sa kabubut-on sa Dios? Patalinghogan hinoon nato pag-ayo ang mga pulong sa atong Magtutudlo: “pagtigum kamog mga bahandi alang kaninyo didto sa langit diin walay tangkob ni taya nga magakutkot ug diin walay mga kawatan nga magapanakasaka ug magapangawat: Kay hain gani ang imong bahandi, atua usab didto ang imong kasingkasing.” (Matt. 6:20,21) Nga unta ang mga kaluyahon sa Israel makapahimo natong labipang malig-on diha sa adlaw adlaw nga pagtuman sa pulong sa pulong sa Ginoo. “Ania karon, ang pagsugot labi pang maayo kay sa halad.”—I Sam. 15:22 ■

Saligi Ang Mga Saad Sa Dios

Yabeng Bersikulo: Sa nasayran na gikan sa atong nahaunang
“**Ang ulahing himaya niining balaya molabaw pa sa unang himaya, nagaingon si Jehova sa mga panon; ug niining dapita igahatag ko ang pakigdait, nagaingon si Jehova sa mga panon.**”—Haggeo 2:9

leksyon, ang Israel nagasunod sa usa ka naandan na nga kagawian sa tibuok nilang kasaysayan sa pagtuman ug pagdayeg sa Dios sa dihang makadawat ug mga panalangin unya sa pagkamasinupakon sa dihang pasagdan sila diha sa ilang imahinasyon. Ang probisyon sa mana didto sa kamingawan usa lamang sa mga pananglitan diin ang ilang pagkamapasalamaton nailisan sa mga pagmulo alang sa labawng maayong butang. Mao kana ang kinaiyahan sa imperpektong katawhan.

Napiling Kasulatan: Ang kapakyas sa pagpasalamat ug pagsalig
Haggeo 1:12; 2:1-9 sa mga prohibensiya sa Dios mao ang rason kon nganong kanunayng wala ginatuman sa israel ang ilang kasabotan tali sa Dios, usa ka saad nga gihimo sa tanang mga tawo sa dihang giluwes sila gikan sa kaulipnan sa Egipto. —Exodo 19:8

Sa tibuok nilang kasaysayan makita nato ang maluluy-ong kinaiyahan sa Dios diha sa Iyang piniling katawhan. Sa dihang sa katapusan gitugotan nga sila mabihag ngadto sa Babilonia, gidasig sila sa Dios uban ang mga pagpahinudom sa Iyang gugma kanila. Giingnan Niya sila nga dili gayod Niya sila pagabiyaan ni pasagdan, susama sa Iyang gisaad kang Moises ug kang Josue. (Jos. 1:5) Gipasaligan pa gyod Niya sila nga ang ilang pagkabinihag dili permanente, apan matapos human sa setenta ka tuig. —Jer. 29:10

Human nga gikastigo pinaagi sa mga pulong ni Haggeo sa wala pagtuman sa Dios, ang katawhan naaghat sa pagtuman sa mga kamandoan sa Dios ug sa makausa pa nagatahod ug nakadayeg Kaniya. (Hag. 1:12) Unya gipasaligan na usab sila sa Dios pinaagi sa pagdeklara nga, “Ania ako uban kaninyo.” Kini nakagunok sa mga tawo sa paglihok: “sila ming-adto ug mingbuhat sa balay ni Jehova sa mga panon, nga ilang Dios.”—Bersikulo 13,14

Ang dugang pang mensahe sa propeta, nga gitala sa Haggeo 2:6-9, sa

walay pagduhaduha tanghaga alang sa mga Israelita kinsa nakadungog niini. Sa maabot sa ilang panabot, ang pag-uyog kaniadto mahimong naghisgot sa pagtay-og sa yuta sa paghatag sa Balaod nga Kasabotan sa Bukid Sinai. Makapanaghap lamang sila kon unsa gayod kaha ang umaabot nga pag-uyog, sanglit wala man silay talagsaong ayuda diha sa pagtan-aw sa mga panghitabo sa umaabot. Susama ra gihapon mahitungod sa walay katakos sa pagsabot sa kahulogan sa pamahayag, “Ang ulahing himaya niining balaya molabaw pa sa unang himaya,” nga gihisgotan sa atong Yabeng Bersikulo.

Pinaagi sa ayuda sa Espiritu Santo, nakahimo kita sa pagsabot sa unsay dili masabtan sa Israel. Atong nasabtan nga ang mga butang nga nagapanghitabo sa Israel mga tipo lamang sa labawng pang mga butang nga adunay kalabotan sa Iglesia niining kasamtangang kapanahonan sa Maayong Balita. (I Cor. 10:11) Pinagi sa pagkaumol diha sa Espiritu, nakahimo kita sa pagtan-aw nga ang ulahing balay nga gihisgotan ni Haggeo mao ang lawas ni Cristo. “Kay kita mao ang templo sa Dios nga buhi; sumala sa giingon sa Dios: Ako mopuyo sa sulod nila ug magalihok diha kanila, ug ako mahimong ilang Dios, ug sila mahimong akong katawhan.” (II Cor. 6:16) Nasabtan usab nato nga kining ulahing balay wla nagbaliwala sa kamahingdanon sa kanhing balay. Nisaad ang Dios nga dili hikalmantan ang Israel ni ang iyang papel alang kanila nga mamahimong panalangin dinhi sa yuta sa umaabot nga gingharian.

Gipahinumdoman ni Apostol Pablo ang iyang tigpaminaw sa kamahinungdanon sa Israel diha sa plano sa Dios: “Busa mangutana ako, gisalikway ba sa Dios ang iyang katawhan? Palayo kana! Kay ako usab Israelinhon, kaliwat ni Abraham, sakop sa banay ni Benjamin. Ang Dios wala magsalikway sa iyang mga tawo nga daan na niyang giila.” (Rom. 11:1,2) Ang Salmista naghimatuod usab niini nga ponto, nga nagaingon, “Kay dili isalikway ni Jehova ang iyang katawohan, Ni pagabiyaan niya ang iyang panulondon.” (Salmo 94:14) Bulahan kita nga nakabaton ug usa ka panabot nga ang tinguha sa tanang mga nasud sa dili madugay maabot gayod sa gingharian sa Dios, maingon nga Iyang gisaad pinaagi kang Haggai ug sa tanang mga propeta. Magkat-on kita gikan sa mga eksperinsiya sa Israel sa pagsalig sa mga saad sa Dios sa walay pagduhaduha. ■

Pagkinabuhi Ug Maputli Nga Kinabuhi

Yabeng Bersikulo: “Ang mga trigo anaa pa ba sa kamalig? oo, ang parras, ug ang igos, ug ang granada, ug ang kahoyng olibo wala mobunga; gikan niining adlaw ako magapanalangin kaninyo.”—Haggeo 2:19

***Napiling Kasulatan:
Haggeo 2:10-19***

Ang mensahe nga gipamulong pinaagi kang Propeta Haggeo gituyo aron sa pagpahimata sa Israel gikan sa ilang kabugnaw sa ilang kasabotan tali sa Dios. Nagpasagad na lamang sila kabahin sa ilang relihiyon. Ang ilang mga kusog nagamit diha sa paghatag alang sa mga kaharuhay sa ilang mga panimalay, mga hardin, ug uban pang mga yutan-ong mga butang, samtang ang templo ni Jehova naguba ug napasagdan. Apan sa lang bahin, pinaagi sa positibong pagtubag sa mensahe ni Haggeo, ilang gipadayag ang kaandam sa pagbag-o nga maihap lamang sa mga propeta ang nakasintai niini. Gani, daghang mga propeta ang ginasalikway, o ginapatay pa gayod, sa dihang makadungog ug mga dili maayong balita nga gipadala sa Dios. Si Jesus mismo nanghimatuod kabahin niini: “O Jerusalem, Jerusalem, nga nagapatay sa mga propeta ug nagabato sa mga sinugo nganha kanimo.”—Mateo 23:37

Ang tubag sa Israel ngadto kang Haggeo naghatag ug usa ka mahinungdanon nga leksyon diha kon unsaon nato pagkinabuhi ang atong mga kinabuhi. Ang Dios naghimo ug kasabotan tali sa Israel diin Siya nagasugo kanila nga magmasinugtanon Kaniya. Ang kasabotan klaro ug simple. Kung ang Israel magmatinumanon ni Jehova, sila mapanalaningan. Kung sila masinupakon kang Jehova, sila pagasilotan. (Deut. 28:1-42) Nakita nato ang usa ka eksampol sa ilang pagkamasinupakon ug silot atol s panahon sa propesiya ni Haggeo.—Hag. 1:5-11

Sa pagpakigsulti ngadto sa iglesia sa Roma, si Apostol Pablo nagahulagway kon giunsa paghatag sa Dios sa Iyang gugma ngadto sa Israel: “Mga igsoon, ang tinguha sa akong kasingkasing ug ang akong pag-ampo ngadto sa Dios alang kanila mao nga mangaluwas unta sila.

Kay saksi ako nila nga sila adunay kasibut alang sa Dios, apan kini maoy kasibut nga wala duyogi sa kahibalo. Ug kay wala man silay hibangkaagan mahitungod sa pagkamatarung nga nagagikan sa Dios, ug nagapaningkamot sa paghimo sa ilang kaugalingong pagkamatarung, wala sila magpailalum sa pagkamatarung nga iya sa Dios.”—Roma 10:1-3

Nalimitahan diha sa ilang pagkaimperpekto sa unod, imposible alang sa Israel ang pagtuman sa mga probisyon sa Kasabotan sa Balaod. Apan, si Pablo nagpadayon sa pagpasabot kon unsaon nato pagkinabuhi diha sa atong relasyon sa kasabotan bisan pa kita dili hingpit diha sa unod. “Kay si Cristo mao ang pagkatapus sa kasugoan aron mamatarung ang tanan nga may pagtoo. Si Moises nagasulat mahitungod sa pagkamatarung nga pinasikad sa kasugoan, nga ang tawo nga magagawi sa maong pagkamatarung mabuhi tungod niini. Apan ang pagkamatarung nga pinaagi sa pagtoo nagaingon, Ayaw pag-ingon sa sulod sa imong kasingkasing, “Kinsa bay mosaka sa langit?” (nga sa ato pa, aron sa pagdala kang Cristo sa ubos): o, “Kinsa may mokanaug sa bung-aw?” (nga sa ato pa, aron sa pagdala kang Cristo sa taas gikan sa mga patay). Apan unsa may ginaingon niini? Ang pulong haduol kanimo, anaa ra sa imong baba ug sa sulod sa imong kasingkasing (nga sa ato pa, ang pulong sa pagtoo nga among ginawali); Kay kon pinaagi sa imong baba magasugid ikaw nga si Jesus mao ang Ginoo, ug magatoo sa sulod sa imong kasingkasing nga siya gibanhaw sa Dios gikan sa mga patay, nan, maluwas ikaw. Kay ang tawo magatoo diha sa iyang kasingkasing aron mamatarung siya; ug siya magasugid pinaagi sa iyang baba aron maluwas siya.”—Rom. 10:4-10

Gikinahanghanglan nga ang Israel magakinabuhi ug maputli nga mga kinabuhi aron nga sila makadawat sa gisaad sa Dios nga mga panalangin. Susama gihapon kana ka matood para kanato. Hinoon, kita nakabaton sa gigahin nga merito sa sakripisyo sa atong Agalon. “Kay sa maong paggawi gipanagtawag kamo, maingon nga alang kaninyo miantus man usab si Cristo, nga nagbilin kaninyog usa ka panig-ingnan aron kamo managsunod sa iyang mga tunob: ... aron kita mamatay ngadto sa sala ug mabuhi ngadto sa pagkamatarung: Pinaagi sa iyang mga samad kamo nangaayo. Kay samag mga karnero kamo kaniadto nanghisalaag, apan karon kamo nahibalik na sa Magbalantay ug Magdudumala sa inyong mga kalag.”—I Pedro 2:21-25

Magpasalamat kita alang sa pasalig nga gihatag ngadto sa Israel pinaagi kang Haggeo, ug magmasaligon nga labaw pa kitang panalanginan kita kon magkinabuhi kita ug maputling mga kinabuhi. “Pagmatinud-anon hangtud sa kamatayon, ug ihatag ko kanimo ang korona sa kinabuhi.”—Pinadayag . 2:10 ■

Paglaom Alang Sa Usa ka Bag-ong Adlaw

Yabeng Bersikulo: Sa nagkatigulang na ang Propeta
“Unya siya mitubag Haggai, ang mosunod kaniya nahia bot
ug misulti kanako, nga gilayon sa eksena aron sa pagpadayon
nagaingon: Kini mao sa paghatag sa mensahe sa Dios kabahin
ang pulong ni Jehova sa pagtukod pagbalik sa templo ni
kang Zorobabel, nga Jehovah. Batan-on pa si Zechariah
nagaingon: Dili pinaagi sa dihang nibalik sa Jerusalem gikan
sa kusog, ni pinaagi sa sa pagkabinihag sa Babilonia ubos
gahum, kondili pinaagi sa kasamtangang gobernador nga si
sa akong Espiritu, Zerubbabel. Sa atong Yabeng Bersikulo,
miingon si Jehova sa mga iuban sa mga pulong sa Bersikulo 9,
panon.”—Zacarias 4:6 nadungog nato ang pamulong sa Dios
nga mahuman ang templo pinaagi kang
Napiling Kasulatan: Zerubbabel, apan dili tungod sa iyang
Hagge 2:20-23; Zacarias kusog, ni pinaagi sa hari sa Persia, ni
4:5-14 sa lain pang gahom sa yuta. Klaro ang
mga pulong ni Zechariah nga pinaagi sa
espiritu sa Dios mismo ang buluhaton matapos gayod.

Ang unang propesiyanhong mga pulong ni Zacarias ngadto sa Israel nagkalabutan sa mga daotang binuhatan sa ilang mga ginikanan, nga nakapasagmuyo sa Dios ug nagsilot kanila. (Zech. 1:1-6) Kadto nga mga pulong, sa laing bahin, gisundan man sab sa mga pulong sa pagdasig sa Jerusalem ug ang usa ka saad nga humanon ang balay nga ilang gisugdan: “Busa mao kini ang giingon ni Jehova: Ako mibalik sa Jerusalem uban ang mga kalooy; ang akong balay pagatukoron diha niana, nagaingon si Jehova sa mga panon, ug usa lubid nga igsusukod nga igakutay sa pagsukod sa Jerusalem. Suminggit ka pag-usab, nga magaingon: Mao kini ang giingon ni Jehova sa mga panon: Ang akong mga ciudad magaawas pa sa kauswagan; ug si Jehova magalipay pa sa Sion, ug magapili pa sa Jerusalem.”—Bersikulo 16,17

Si Zorobabel usa ka prinsiphe sa mga katawhan ug gikan sa linya

ni David. Nahuman tuod niya ang pagtukod pag-usab sa templo sumala sa giingon sa Dios, apan dili kini labaw sa nahaunang balay, sa gipropesiya na ni Haggeo. (Hag. 2:9) Tataw kaayo nga ang Dios nagsulti mahitungod sa usa ka [antitypical] nga balay diin mas labaw pa, ug kana nga balay gipadayag kanato ingon nga ang Cristo, ulo ug lawas, ang espirituhanong templo sa Dios. Sa Zecarias 4:1-4, ang unod sa atong Yabeng Bersikulo, gihulagway dinhi ang usa ka lamparahan ug duruha ka mga kahoy nga olibo. Dugang kasayuran niini makaplagan usab sa Pinadayag 11:4. Kini nga mga kasulatan dugang nga nagtudlo sa usa ka espirituhanong temple diin dili na madugay mao ang magadala sa gisaad nga bag-ong adlaw sa gingharian sa Mesias.

Nabantayan usab nato ang propesiyanhong pamulong ni Haggeo kabahin sa pagkatuali sa “trono sa mga gingharian,” (Hag. 2:22) Gisundan niini nga mga pulong: “Niadtong adlaw, nagaingon si Jehova sa mga panon, kuhaon ko ikaw, Oh Zorobabel, sulogoon ko, anak nga lalake ni Sealtiel, nagaingon si Jehova, ug himoon ko ikaw nga ingon sa usa ka singsing nga patik; kay gipili ko ikaw, nagaingon si Jehova sa mga panon.” (Bersikulo 23) Ang presentasyon sa usa ka singsing nga patik nagpasabot ug dakong gahom ug awtoridad sa tawo nga nagsuot niini. Atol niining kasamtangang kapanahonan, alang lamang sa mga sumusunod sa mga tunob ni Jesus nga ang “silyo” nga gihatag ang saad sa pagka-anak, diin adunay paglaom alang sa usa ka bag-ong adlaw ug nga mamahimong kabahin sa nahuman nga espirituhanong templo ngadto sa mga matinud-anon hangtud sa kamatayon. “Kay ang tanang ginamandoan sa Espiritu sa Dios, mga anak sila sa Dios. Kay wala kamo makadawat sa espiritu sa pagkaulipon aron mangahadlok na usab kamo, hinonoa maoy nadawat ninyo ang espiritu sa pagkainanak. Sa dihang managtuwaw kita sa pagpangamuyo nga magaingon, “Abba! Amahan”. ang Espiritu gayud mao ang magapanghimatuod uban sa atong espiritu nga kita mga anak sa Dios: ug nga kon kita mga anak, nan, mga manununod diay kita, mga manununod sa Dios ug mga isigkamanununod uban kang Cristo, kon moantus man kita uban kaniya aron pagahimayaon usab kita uban kaniya.”—Rom. 8:14-17

Ang espiritu sa Dios mao gayod ang instrumentong gigamit pinaagi kang Zorobabel. Sa samang paagi, ang Iyang espiritu mao ang magpadagan aron sa pagpanalangin sa tanan sa iyang gingharian, sa ginaingon na sa tanang mga propeta: “Ug unya mahitabo sa ulahi, nga igabubo ko ang akong Espiritu ibabaw sa tanang unod.” (Joel 2:28) Pribilihiyo gayod kini alang kanato nga Makita ang paglaom niini nga bag-ng adlaw! ■

Ang Tawag Sa Kahiusahan

Yabeng Bersikulo: “ **Usa sa mga leksyon gikan sa propesiya**
Apan magahangyo ako ni Haggeo nga gihatagan nato ug
kaninyo, mga igsoon, pagtagad niining bulana mao ang tawag
tungod sa ngalan sa alang sa kahiusahan diha sa Iyang piniling
atong Ginoong Jesu- katawhan. Gitawag sa Dios ang Israel
Cristo, nga unta kamong nga magtrabaho ug tukuron pagbalik ang
tanang magasulti sa mao templo. Gipahinumdoman Niya sila sa
rang usa ka butang ug ilang saad nga magkinabuhi sila sumala
nga wala unta kaninyoy sa kasabotan nga Iyang gihimo tali kanila
mga pagkabahinbahin, ug diin sila niuyon nga ilang tumanon.
kondili mausa unta Sa makausa gipahinumdoman Niya sila
hinoon kamo diha sa sa Iyang gugma ug pag-amuma alang
mao rang paagiha sa kanila nga nagaingon, “Pagbuhat: kay
paghunahuna ug sa mao ako nagauban man kaninyo, nagaingon si
rang hunahunaa.”—I Jehova sa mga panon: Sumala sa pulong
Corinto 1:10 nga gipakigtugon ko kaninyo sa diha nga
kamo nanggula gikan sa Egipto, ug ang
akong Espiritu nagapuyo diha sa taliwala
ninyo: ayaw kamo kahadlok.”—Hag.
2:4,5

Si Jehova nag-ingon usab: “Ang ulahing himaya niining balaya molabaw pa sa unang himaya.” (Bersikulo 9) Gihuman ni Haggeo ang iyang propesiya pinaagi sa pagdeklara nga ang Dios “magapukan sa trono sa mga gingharian, ug ... papalumpagon ang kusog sa mga gingharian sa mga nasud ... kay gipili ko ikaw, nagaingon si Jehova sa mga panon.”—Bersikulo 22,23

Niining tanan atong nakita nga ang Dios naghisgot sa usa ka templo ug usa ka piniling katawhan labaw pa kay sa nasud sa Israel ug templo niini. Kon ikonsidera ang pagsalig unta sa Isreal diha sa pagdala kanila sa Dios pinaagi sa kasabotan tali kanila ug sa hingpit nga katuyoan niini, ang Apostol Pablo nagaingon, “sa wala pa moabut ang pagtoo, kita gibilanggo ilawom sa kasugoan, pinugngan hangtud nga ang pagtoo igapadayag. Busa ang kasugoan nahimong atong magtatagad sa pag-

agak ngadto kang Cristo, aron kita pagamatarungon pinasikad sa pagtoo.” (Gal. 3:23,24) Angay untang nagkahiusa ang Israel sa ilang pagsimba sa Dios isip Iyang piniling katawhan. Angay unta silang magmaya diha sa kahibalo nga Siya nakigrelasyon kanila labaw kay sa tanang mga nasud sa yuta, ug tungod niana magbaton ug pagtoo diha Kaniya. “Kamo mao ang mga anak sa mga profeta ug sa pakigsaad nga gihimo sa Dios uban sa inyong mga ginikanan, sa iyang pag-ingon kang Abraham, ‘Pinaagi sa imong kaliwat pagapanalanginan ang tanang kabanayan sa yuta. Kamo mao ang unang gipadad-an sa Dios sa iyang Alagad, sa iya nang napatindog siya, aron sa pagpanalangin kaninyo pinaagi sa pagpatalikod sa matag-usa kaninyo gikan sa inyong pagkadautan.” (Buhat 3:25,26) Apan, tungod sa kakulang sa pagtuo, ilang gipasagdan ang ilang oportunidad nga mamahimong mas labi pang mahimayaong templo: “Siya [Jesus] nahiaabut diha sa iyang kaugalingon, ngani ang iyang mga tawo wala modawat kaniya.”—Juan 1:11

Tungod kay napakyas man ang Israel nga magatuman sa ilang kasabotan, ug unya gisalikway ang mismo nga gipadala aron sa pagluwas kanila gikan kaulipnan niini, gibalhin sa Dios ang Iyang pagtagad ngadto sa mga Hentil alan sa katukoran sa mas labi pang mahimayaong templo nga moabot nga gipropesiya ni Haggeo. “Kinahanglan gayud nga ang pulong sa Dios anha igauna sa pagmantala kaninyo. Apan kay inyo man kining gisalikway ug inyong gihukman ang inyong kaugalingon nga dili takus sa kinabuhing dayon, tan-awa, kami mangadto sa mga Gentil. Kay sa ingon niini gisugo kami sa Ginoo nga nag-ingon: ‘Gipahimutang ko ikaw nga kahayag sa mga Gentil, aron pagadad-on mo ang kaluwasan hangtud sa kinatумыan sa yuta.”—Buhat 13:46,47

Giingnan ni Pablo ang Cristohanong mga Judeo nga ang mga saad nga may kalabotan sa espirituhanong kaliwat ni Abraham gitanyag unta ngadto sa natural nga Israel. Apan, tungod sa kakulang sa pagtuo, sila, isip usa ka nasud, ilang gisalikway ang gisaad alang kanila nga Mesias nga si Jesus, kinsa gipadala aron sa pagtubos kanila “gikan sa tunglo sa Balaod.” (Gal. 3:13-16) Kini nga tawag abli na karon sa matag usa kinsa magalangkob sa maong kaliwat bisan usa pa ang ilang nasyonalidad ug bisan pa sa kakulang sa kanhing reputasyon sa atubangan sa Dios. Gihatagan ug importansya ni Pablo kini nga kahan-ayan pinagi sa pag-ingon, “kay kamong tanan usa ra diha kang Cristo Jesus. Ug kon kamo mga iya ni Cristo, nan, kamo kaliwat ni Abraham, mga manununod sumala sa saad.” (Gal. 3:28,29) Magkat-on kita sa mga eksperinsiya ug nga magkahiusa diha sa atong pagpangalagad sa Dios, mapaubsanon pinaagi sa paghunahuna nga ang uban nga labi pang maayo kaysa atong kaugalingon ug pagbaton sa hunahuna ni Cristo.—Filipos 2:3-5 ■